



Nuuk 18. januar 2016

Inatsisartut suleriaasianni § 37 naapertorlugu Naalakkersuisunut imaattunik apeqqutissaqarpunga:

- 1. Appat eqqissisimatinnearluinnarnissaannut biologit siunnersuinerannik Naalakkersuisut malinninniinginnerannut suna patsisaava?**
- 2. Biologit piffissat piniarfiusut minnerpaaffittut killilersimaarneqarnissaannik siunnersuutaannik Naalakkersuisut malinninniinginnerannut suna patsisaava?**
- 3. Massa appaqassuseq appariaateqarsimasoq sunngiffimmi piniariartartut appanniarnissamut periarfissinneqarnerannut suna patsisaava? Inuussutissarsiuutigalugu piniartut kisimik appanniarsinnaatitaassappata tamanna ajunnginnerussangikkaluarnerpa?**
- 4. Nalunaarutip nutaap appat nungunnerannik kinguneqannginnissaanut paasissutissat suut Naalakkersuisuniit tunngavigineqarpat?**
- 5. Tusarniaasitsinermi akissutit tamakkiisut Naalakkersuisut tusarniaassutitut portalikkut saqqummiunnialersaarpat?**
- 6. Naalakkersuisut qaqugu naalunaarummik naammassisamik saqqummiussinialersaarpat?**
- 7. Peqassutsit attatiinnarneqassappata qanoq piniarneqartiginerannut killiliiuaannartarnissamut Naalakkersuisut akuersaarpat?**
- 8. Appat piunnarnissaat eqqarsaatigalugu ulorianartorsiulernissaannut qanoq piniarneqartigisinnaanerannut tunngatillugu Naalakkersuisut qanoq isumaqarpat?**

(Inatsisartuni ilaasortaq, Naaja H. Nathanielsen)

### **Tunngavilersuut:**

Naalakkersuisut maannakkorpiaq timmissanut nalunaarut novembarimi/decembarimilu tusarniaassutigineqartoq suliareqqippaat. Naalakkersuisut siunnersuutaat uani atuarneqarsinnaavoq:

[http://naalakkersuisut.gl/da/H%C3%B8ringer/Arkiv-over-h%C3%B8ringer/2015/Bekendtgoerelse\\_revision-af-fuglebekendtgoerelsen](http://naalakkersuisut.gl/da/H%C3%B8ringer/Arkiv-over-h%C3%B8ringer/2015/Bekendtgoerelse_revision-af-fuglebekendtgoerelsen)

Tamanna biologit siunnersuutaannik piujuaannartitsinissamillu isummamik atuinnermut tunngasunik apeqqutissaqartitsilerpoq.

Ullut suliffiusut qulit iluanni apeqqutima akineqarnissaat kissaatigaara.